



謠語卷三



明豫章郭子章彙編

明西蜀顧造訂校

三國謠

魏鄴城童謠鄴城中暮塵起探黑丸斫文吏棘
為鞭虎為馬團團走鄴城下切玉劍射日弓獻
何人奉相公扶轂來關右兒香掃塗相公歸此
本王粲刺曹操辭也唐李賀追擬之

魏黃初謠青槐夾道多塵埃龍樓鳳閣望崔嵬

清風細雨雜香來土上出金火照臺廣五行志
魏文帝爲美人薛靈芸築臺高三十丈列燭臺
下遠近望之如列星墜地又爲銅表志里數行
者歌謠云云銅表志道是土上出金列燭如星
是火照臺也漢火德魏土德火伏而土興土上
出金是魏滅晉興之兆晉以金德王故也

祝魴繆歌祝魴祝魴非魚非肉更相追逐本爲
殺牂羊更殺殺魴高士傳魏伐吳有竊問隱士
焦先不應繆歌云云後魏軍敗人推其意牂羊

指吳殺魴指魏也

魏明帝太和中京師歌兜鈴曹子其唱曰其奈
汝曹何此詩妖也其後曹爽見誅曹氏遂廢

魏明帝景初中童謠曰阿公阿公駕馬車不意
阿公東渡河阿公東還當奈何及宣王平遼東
歸至白屋當還鎮長安會帝疾篤悉召之乃乘
追鋒車東渡河終翦魏室如謠言

魏齊王嘉平中有謠曰白馬素羈西南馳其誰
乘者朱虎騎朱虎者楚王彪小字也王凌令狐

愚聞此謠謀立彪事發凌等伏誅彪賜死
魏畧太祖使盧洪趙達撫軍主刺舉軍中語曰
不畏曹公但畏盧洪曹公尚可趙達殺我
魏書廣平人李波宗族彊盛殘掠不已公私咸
患百姓爲之語曰李波小妹字雍容褰裙逐馬
如卷蓬左射右射必疊雙婦女尚如此男子安
可逢

吳謠

漢世術士言黃旗紫蓋見于斗牛之間江東有

天子氣獻帝興平中吳中謠言黃金車班闌耳

開昌門出天子魏文帝黃初三年舉兵武昌竝

言黃龍鳳凰見其年權稱尊號

昌門吳西郭門夫差所築也

晉五行志吳孫亮初童謠曰吁汝恪何若若蘆

葦單衣篋鈎絡于何相求楊子閣楊子閣者反

語石子墘也鈎絡鈎帶也及諸葛恪死果以葦

蓆裹身篋束其腰投之石子墘後聽恪故吏收

斂求之此墘云

楊子晉書作常子

孫亮初公安有白鼃鳴童謠曰白鼃鳴龜背平

南郡城中可長生守死不去義無成按南郡城
可長生者有急易以逃也明年諸葛恪敗弟融
鎮公安亦見襲融刮金印龜服之而死鼉有鱗
介甲兵之象又白兵祥也

孫休永安二年將守質子羣聚嬉戲有異小子
忽來言曰三公鋤司馬如又曰我非人熒惑星
也言畢上升仰視若曳一匹練有頃没于寶曰
後四年而蜀亡六年而魏廢二十一年而吳平
於是九服歸晉魏與吳蜀並爲戰國三公鋤司

馬如之謂也

孫皓初童謠曰寧飲建業水不食武昌魚寧還
建業死不止武昌居皓尋遷都武昌民泝流供
給咸怨毒焉

孫皓遣使者祭石印山下妖祠使者因以丹書
巖曰楚九州渚吳九州都揚州士作天子四世
治太平矣皓聞之意益張曰從大皇帝至朕四
世太平之主非朕復誰恣虐踰甚尋以降亡近
詩妖也

孫皓天紀中童謠曰阿童復阿童銜刀游一作浮

渡江不畏岸上虎但畏水中龍晉武帝聞之加

王濬龍驤將軍及征吳王濬先定秣陵阿童王

濬小字也

吳志周瑜少精意於音樂三爵之後其有闕誤

瑜必知之知之必顧時人謠曰曲復誤周郎顧

吳錄王譚字世容為武成令民服德化宿惡奔

送父老歌曰王世容治無雙省徭役盜賊空

蜀謠

華陽國志鎮北將軍王平始出軍武不大知書

性警朗有思理同郡勾扶亦果壯亞平官至右

將軍封宕渠侯後張翼與襄陽廖化並為大將

故時人為語曰前有何勾後有張廖平本養外

家何氏後復姓

晉謠

晉武帝太康後江南童謠曰局縮肉數橫目中

國當敗吳當復又曰宮門柱且莫朽吳當復在

三十年後又曰雞鳴不拊翼吳復不用力于時

吳人皆謂在孫氏子孫故竊發亂者相繼按橫
目者四字自吳亡至晉元帝興幾四十年皆如
童謠言元帝懦而少斷局縮肉直斥之也

太康末京洛始爲折楊柳之歌春風尚蕭條去
故來入新苦辛非一朝折楊柳愁思滿腹中歷
亂不可數其曲始有兵革苦辛之詞終以禽獲
斬截之事是時三楊貴盛而族滅太后廢黜而
幽歿

晉書潘岳傳尚書僕射山濤領吏部王濟裴楷

等並爲武帝所親遇潘岳內非之乃題閣道爲
謠曰閣道東有大牛王濟鞅裴相輜和嶠刺促

不得休

刺促世說
作踢踟

晉書泰始中謠賈裴王亂紀綱王裴賈濟天下
言賈充裴秀王沈亡魏而成晉也

晉書王浚永嘉中進大司馬加侍中大都督督
幽冀諸軍事會京洛傾覆浚大樹威令專權橫
恣時童謠曰幽州城門似藏戶中有伏尸王彭
祖有狐踞府門翟雉入聽事

晉書王浚傳棗郎謠曰十囊五囊入棗郎棗嵩
浚之子壻也浚聞責嵩而不能罪之也

晉太康中天下爲晉世寧之舞手接杯槃反覆
之歌曰晉世寧舞杯槃夫樂生人心所以觀事
今接杯槃于手上而反覆之至危也杯槃者酒
食之器也而名曰晉世寧者言晉世之士偷苟
于酒食之間而知不及遠晉世之寧猶杯槃之
在手也

拾遺記張華爲九醞酒清美醇鬯久含令人齒
動若大醉不叫笑搖蕩令人肝腸消爛俗謂消
腸酒閭里歌曰寧得醇酒消腸不與日月齊光
言耽此美酒以悅一時何用保寸靈而取長久
此亦晉世酣歌消亡之兆

襄陽耆舊傳杜預乃開陽口起夏水達巴陵千
餘里瀉長江之險外通零桂之漕人歌之曰後
世無叛由杜翁孰識智名與勇功

惠帝永熙中河內溫縣有人如狂造書曰光光
丈長大戟爲牆毒藥雖行戟還自傷又童謠曰

兩火沒地哀哉秋蘭歸形街郵路人爲歎及楊駿居內府以戟爲衛歿時又爲戟所害楊太后被廢賈后絕其膳八日而崩葬街郵亭北百姓哀之兩火武帝諱炎蘭楊后字季蘭也

永熙中童謠曰二月末三月初荆筆楊板行詔書宮中人馬幾作驢楊駿初專權楚王尋用事故言荆筆楊板也二人不誅則君臣禮悖故云

幾作驢

晉五行志下有石壓之不得舒一句別集所載三月初下有桑條蓓蕾柳

葉舒一句

惠帝元康中京洛童謠曰南風起兮吹白沙遙

望魯國何嗟峨千歲髑髏生齒牙又曰城東馬

子莫嚙啣比至三月纏汝髮南風賈后字也白

晉行也沙門太子小名也魯賈謚國也言賈后

將與謚爲亂以危太子而趙王因釁咀嚼豪賢

以成篡奪也是時愍懷頗失衆望卒以廢黜不

得其死

按賈后傳有此謠云南風烈烈吹黃沙遙望魯國鬱差峩前至三月滅汝家愍

懷太子傳紀此謠云東宮馬子莫

聾空前至臘月纏汝髮與志微異
晉書長沙王又武帝第六子也三王舉義又率

國應之後見罔專權奉天子攻罔斬之河間王
顓與成都王穎同伐京師詔以又爲大都督以
距顓相持數月東海王越慮事不濟潛收又送
金墉城密告張方方遣兵就金墉收又多殺之
初又執權之始洛下謠曰草木萌芽殺長沙以
正月二十五日廢後二日死如謠言

晉書惠帝時洛陽童謠鄴中女子莫千妖前至
三月抱胡腰明年而胡賊石勒劉曜反

晉書張寔軌之子也軌卒授寔涼州刺史進大

都督劉曜逼遷天子寔遣太府司馬韓璞東赴
國難璞次南安諸羌斷軍路寔擊破之斬級數
千時焦崧陳安寇隴右東與劉曜相持雍秦之
人死者十八九初永嘉中長安語曰秦川中血

沒腕

一作腕

唯

有涼州倚柱觀

一作看

至

是驗矣

晉書齊王冏字景治趙王倫篡位冏起義兵誅
之拜大司馬加九錫政皆決之而恣用羣小不
復朝覲時人謠曰著布衲腹爲齊持服遂爲長
沙王所誅

華陽國志初巴西譙登詣鎮南請兵鎮南無兵表爲揚烈將軍梓潼內史義募三巴蜀漢民爲兵克復州郡先征宕渠殺李雄巴西太守馬脫還住涪折衝將軍張羅進據犍爲之合水巴蜀爲語曰譙登治涪涪城文石在巴西張羅守合水巴氏那得前

晉元興四年

元康三年正月童謠曰郫城堅盜底穿郫中細子李特細又曰江橋頭闕下市成都北門十八字及羅尚在巴郡也又曰巴郡葛當下美巴郡

皮素之西上也又曰有客有客來侵門陌其氣欲索

晉書羅尚字敬之一名仲太康末爲荊州刺史及趙歙反于蜀乃假尚節爲平西將軍益州刺史尚性貪少斷蜀人謠曰尚之所愛非邪則佞尚之所憎非忠則正富擬魯衛家成市里貪如豺狼無復極已蜀賊尚可羅尚殺我

元康中天下商農通著大鄣日童謠曰屠蘓鄣日覆兩耳當見瞎兒作天子及趙王篡位其目

實眇焉趙王倫既篡洛中童謠曰虎從北來鼻頭汗龍從南來登城看水從西來何灌灌數月而齊王成都河間義兵同會誅倫按成都西藩從南來河間水區而在關中故曰水從西來齊留輔政居宮西有無君之心故言登城看也惠帝太安中童謠曰五馬游渡江一馬化爲龍後中原大亂宗藩多絕唯琅邪汝南西陽南頓彭城同至江表而元帝嗣晉矣

司馬越還洛有童謠曰洛中大鼠長尺二若不

早去大

一作天

狗至及荀晞將破汲桑又謠曰元

超兄弟大洛度上桑打棋爲荀作由是越惡晞

奪其兗州隙難遂構

元超越字也

愍帝建興中江南歌謠曰訇如白阬

一作坑破合

集持作甍揚州破換敗吳興覆甍甍按白者晉行阬器有口屬瓮瓦質剛亦金之類也訇如白阬破者言二都傾覆王室大壞也合集持作甍者元帝鳩集遺餘以主社稷未能克復中原偏

王江南故其喻小也及石頭之事六軍大潰兵人抄掠京邑爰及二宮其後三年錢鳳復攻京邑阻水而守相持月餘日焚燒城邑并堙木刊矣鳳等敗退沈充將其黨還吳興官軍踵之蹈籍郡縣充父子授首黨與誅者以百數所謂揚州破換敗吳興覆甌甌甌甌瓦器又小于甌也

甌呼宏反甌音武
甌音部甌盧斗反

愍帝初童謠曰天子何在豆田中至建興四年帝降劉曜于城東豆田壁中一日天子在何許

近在豆田中

明帝太寧初童謠曰側力側力放馬山側大馬死小馬餓高山崩石自破及明帝崩成帝幼為蘇峻所逼遷于石頭御膳不足高山崩言峻尋歿石峻弟蘇石也峻歿後石據石頭尋為諸公所破

側力側力晉書
作側側力力

成帝末民間謠曰磕磕何隆隆駕車入梓宮少日而宮車晏駕

磕苦
蓋反

成帝咸康二年十二月河北謠曰麥入土殺石

言言
卷三
十三
虎後如謠言

庾亮初出鎮武昌出石頭百姓于岍上歌曰庾
公上武昌翩翩如飛鳥庾公還揚州白馬牽旒
旒又曰庾公初上時翩翩如飛鳥庾公還揚州
白馬牽流蘓後連徵不入及薨還都葬流蘓一作旒車
庾義在吳郡吳中童謠曰寧食下湖荇不食上
湖蓴庾吳沒命喪復殺王領軍無幾而庾義王
洽相繼亡

穆帝升平中童子輩忽歌于道曰阿子聞曲終
輒云阿子汝聞不無幾而穆帝崩太后哭曰阿
子汝聞不

升平末民間忽作廉歌有扈謙者聞之曰廉者
臨也歌云白門廉宮廷廉內外悉臨國家其大
諱乎少時而穆帝晏駕

哀帝隆和初童兒歌曰升平不滿斗隆和那得
久桓公入石頭陛下徒跣走帝聞而惡之復改
年曰興寧民復歌曰雖復改興寧亦復無聊生
哀帝尋崩升平五年穆帝崩不滿斗不至十年

也

海西公太和中民歌曰青青御路楊白馬紫游
韁汝非皇太子那得甘露漿白者金行馬者國
族紫爲奪正之色明以紫間朱也海西公尋廢
三子非海西子竝歿以馬韁死之明日南方
獻甘露

太和末童謠犁牛畔御路白門種小麥及海西
被廢處吳民犁畔其門前以種小麥如謠言
海西公生皇子百姓歌云鳳凰生一雛天下莫

不喜本言是馬駒今定成龍子其歌甚美其旨
甚微海西公不男使左右向龍與內侍接生子
以爲已子

哀帝隆和元年十月甲申有塵入東海第百姓
謹言曰主入東海第識者怪之及海西廢爲東
海王先送此第

襄陽耆舊傳山簡優游卒歲唯酒是耽諸習氏
有佳園池簡每出嬉遊多之池上置酒輒醉名
之曰高陽池時有童兒歌曰山公出何許往至

高陽池日夕倒載歸酩酊無所知時時能騎馬
倒著白接羅舉鞭問葛強何如并州兒強家在
并州簡愛將也時樂府伶人避難多奔沔漢讌
會之日寮佐或勸奏之簡曰社稷傾覆不能匡
救有晉之罪人也何作樂之有
桓石民爲荊州鎮上明民忽歌曰黃曇子曲終
又曰黃曇英揚州大佛來上明頃之石民歿王
忱爲荊州黃曇子乃是王忱之字也忱小字佛
大是大佛來上明也

太元末京口謠黃雌雞莫作雄父啼一旦去毛
衣衣被拉颯栖尋王恭起兵誅王國寶旋爲劉
牢之所敗

庾楷鎮歷陽民歌曰重羅犁重羅犁使君南上
無還時後楷南奔桓玄爲玄所誅

犁一作黎

殷仲堪在荊州童謠芒籠目繩縛腹殷當敗桓
當復無幾仲堪敗桓玄有荊州

王恭鎮京口舉兵誅王國寶百姓謠云昔年食
白飯今年食麥麩天公誅譴汝教汝捻隴喉隴

詩言 卷三 十五
喉喝復喝京口敗復敗昔年食白飯言得志也
今年食麥粳粳麤穢其精已去明將敗也天公
將加譴謫而誅之也捻嚨喉氣不通死之祥也
敗復敗丁寧之辭也恭尋死京都大行咳疾而
喉竝喝焉粳音楚喝於介切
王恭在京口民間忽云黃頭小人欲作賊阿公
在城下指縛得又云黃頭小人欲作亂賴得金
刀作蕃扞黃字上恭字頭也小人恭字下也金
刀劉也尋如謠言

安帝隆安中民忽作懊惱歌其曲中有草生可
擘結女兒可擘抱之言桓玄既篡居天位義旗
以三月二日掃定京都玄之宮女及逆黨之家
子女伎妾悉爲軍賞東及甌越北流淮泗皆人
有所獲焉時則草可結則女可抱信矣

桓玄既篡童謠曰草生及馬腹烏啄桓玄目及
玄敗走至江陵五月中誅如其期焉桓玄時民
謠征鐘落地桓迸走征鐘至穢之服桓四體之
下稱玄自下居上猶征鐘之厠歌謠下體之詠

民口也而云落地墜地之祥迸走之言其驗明矣

吳均續齊諧記桓玄篡位後朱雀門中忽見兩小兒通身如墨相和作籠歌芒籠茵繩縛腹車無軸倚孤木路邊小兒從而和之者數十人聲甚哀楚日既夕二小兒入建康縣至閤下遂成雙漆鼓槌明年春而桓敗車無軸倚孤木桓字也荆州送玄首用敗籠茵包之芒繩束縛其屍沈諸江中悉如所歌

司馬元顯時民謠詩云當有十一口當爲兵所傷木巨當北度走入浩浩鄉又云金刀旣以刻媿媿金城中此詩襄陽道人竺曇林所作孟顗釋之曰十一口者玄字象也木巨桓也桓氏當悉走入關洛故云浩浩鄉也金刀劉也倡義諸公皆多姓劉媿媿美盛貌

桓玄得志童謠曰長干巷巷長干今年殺郎君明年斬諸桓及玄走諸桓悉誅郎君司馬元顯也

安帝義熙初童謠曰官家養蘆化成荻蘆生不止自成積其時官養蘆龍寵以金紫奉以名州養之已極不能懷我好音舉兵內伐遂成讐敵也蘆生不止自成積識者曰芟夷蘊崇之又行火馬是草之窮也伐所以成積又以爲薪亦蘆荻之終也其盛既極亦將芟夷而爲積焉龍既窮其兵勢盛其舟艦卒以滅亡僵屍如積盧循小字

龍元

盧龍據有廣州民間謠云蘆生漫漫竟天半後

擁有上流數州之地內逼京輦應天半之言時復有謠言蘆橙橙逐水流東風忽如起那得入石頭龍後果敗不得入石頭

世說卻超王珣並以俊才爲桓大司馬所眷珣爲主簿超爲記室參軍超爲人多鬚珣形狀短小時人爲之歌曰髯參軍短主簿能令公喜能令公怒

續安帝紀司馬休之兄尚爲桓玄所敗休之奔淮泗頗得彼之人心從者爲之歌曰可憐司馬

言言 卷三
公作性甚温良憶昔水邊戲使我不能忘

虞預晉書裴秀字季彦河東聞喜人父潜魏太

常秀有風操八歲能著文叔父徽有聲名秀年

十餘歲有賓客詣徽出則過秀時人為之語曰

後進一作來領袖有裴秀

王隱晉書王祥為本州別駕時人歌曰海內之

康實賴王祥邦國不空別駕之功

會稽典錄徐弘字聖通為汝陰令誅鋤姦桀道

不拾遺民歌之曰徐聖通為汝陰平刑罰姦宄

空

義士傳東哲太康中旱哲乃令邑人躬共請雨

三日水三尺百姓為之歌曰東先生通神明請

天三日甘雨霖我黍以育我稷以生何以酬之

報東長生

殷氏世傳殷褒為滎陽令廣築學館會集朋徒

民知禮讓乃歌曰滎陽令有異政修立學校人

易性令我子弟恥訟爭

晉書江統字應元陳畱圉人也靜默有遠志時

人為之語曰嶷然稀言江應元

晉書羊祜傳王衍嘗詣祜陳事辭甚俊辨祜不
然之衍拂衣而起祜顧謂賓客曰王夷甫方以
盛名處大位然敗俗傷化必此人也步闡之役
祜以軍法將斬王戎故戎衍並憾之每言論多
毀祜時人為之語曰二王當國羊公無德

晉書瑯琊王澄有高名少所推服每聞衛玠言
輒嘆息絕倒故時人為之語曰衛玠談道平子
絕倒

晉書劉輿字慶孫雋朗有才局與弟琨並尚書
郭奕之甥名著當時京都為之語曰洛中奕奕
慶孫越石

洛中謠三首洛中雅雅有三嘏世說曰劉粹字
純嘏宏字終嘏

漢字冲嘏是親兄弟王安豐甥洛中錚錚馮惠

並是王安豐女壻宏真長祖也

卿惠卿名孫是播子孫與邢喬俱司徒李胤外
孫及胤子順並知名時稱馮才清李才明純

粹邢洛中英英荀道明晉書曰荀闔字道明
有名稱京都為之語

晉書元帝以王敦為揚州刺史加廣武將軍尋
進左將軍都督征討諸軍事假節帝初鎮江東

威名未著敦與從弟導同心翼戴以隆中興時人爲之語曰王與馬共天下

晉書王珉字季琰少有才藝善行書與兄珣並有名聲出珣右故時人爲之語曰法護非不佳僧珍難爲兄僧珍珉小字也

中興書諸葛恢字道明避難過江與潁川荀道明闔陳留蔡道明謨俱有名譽號曰中興三明明時人歌之曰京都亦作師三明各有名蔡氏儒雅荀葛清

晉書石苞字仲容渤海南皮人也雅曠有知局容儀倬麗不脩小節故時人爲之語曰石仲容姣無雙

晉書歐陽建字堅石世爲冀方碩族雅有理思才藻美贍擅名北州人爲之語曰渤海赫赫歐陽堅石

晉書劉頌字子雅廣陵人漢廣陵厲王胥之後也世爲名族同郡有雷蔣穀魯劉最爲祖時人爲之語曰雷蔣穀魯劉最爲祖

宋書五行志陳郡謝靈運有逸才每出入自扶
接者常數人民間謠曰四人挈衣裾三人捉坐
席

苻秦謠

秦載記苻洪氏人世爲西戎酋長始其家池中
蒲生長五丈五節如竹形因以蒲爲氏先是隴
右大雨百姓苦之謠曰雨若不止洪水必起故
名曰洪

初苻生夢大魚食蒲長安謠曰東海大魚化爲
龍男便爲王女爲公問在何所洛門東東海苻
堅封也時爲龍驤將軍第在洛門之東生不知
是堅以謠夢之故誅其侍中太師錄尚書事魚
遵及其七子十孫時又謠曰百里望空城鬱鬱
何青青瞎兒不知法仰不見天星于是悉壞諸
空城以禳之生實一日

苻堅滅燕慕容冲姊爲清河公主年十四有殊
色堅納之寵冠後庭冲年十二亦有龍陽之姿
堅又幸之姊弟專寵官人莫進長安歌之曰一

雌復一雄雙飛入紫宮咸懼爲亂王猛切諫堅乃出冲長安又謠曰鳳皇鳳皇止阿房堅以鳳皇非梧桐不棲非竹實不食乃植桐竹數十萬株于阿房城以待之冲小字鳳皇至是終爲堅賊入止阿房城

苻堅中童謠阿堅連牽三十年後若欲敗時當在江湖邊後堅敗于淝水在僞位凡三十年苻堅中謠河水清復清苻堅歿新城堅爲姚萇所殺歿于新城

苻堅中歌魚羊田斗當滅秦魚羊鮮也田斗卑也堅自號秦言滅之者鮮卑也其羣臣諫堅令盡誅鮮卑堅不從及淮南敗還爲慕容冲所攻亡奔姚萇身歿國滅

秦書尚書令苻雅爲人樂施乞人填門嘗曰天下物何常吾今日富後日貧耳忽一日不施則意不泰時人爲之語曰不爲權異富寧作苻雅貧

載記長安每夜有人周城大呼曰楊定健兒應

言詩 卷三 三三
屬我宮殿臺觀應坐我父子同出不共汝旦尋
不見人跡城中有書曰古苻傳賈錄載帝出五
將久長得先是又謠曰堅入五將山長得堅大
信之告其太子宏曰脫如此言天或導予今留
汝無總戎政勿與賊爭利吾當出隴收兵運糧
以給汝天其或者正訓予也于是遣衛將軍楊
定擊冲于城西爲冲所禽堅彌懼付宏以後事
將中山公詵張夫人率騎數百出如五將宣告
州郡期以孟冬救長安宏尋將母妻宗室男女
大掠死者不可勝計

初秦之未亂也關中土然無火而煙氣大起方
數十里中月餘不滅堅每臨聽訟觀令百姓有
怨者舉煙于城北觀而錄之長安爲之語曰欲
得必存當舉煙又爲謠曰長鞞馬鞭擊左股太
歲南行當復虜秦人呼鮮卑爲白虜慕容垂之
起于關東歲在癸未堅之分氏戶于諸鎮也趙
整因侍援琴而歌曰阿得脂阿得脂博勞舊父

是仇綏尾長翼短不能飛遠徙種人畱鮮卑一
旦緩急語阿誰堅笑而不納至是整言驗矣堅
至五將山姚萇遣將軍吳忠圍之乃縊堅于新
平佛寺

車頻秦書苻堅時童謠一名豐樂謠長安大街
兩邊種槐下走朱輪上有鸞栖

第二句一本
作夾對楊槐

五胡謠

呂光時涼州謠朔馬心何悲念舊中心勞燕雀
何徘徊意欲還故巢

劉曜時玉方尺詩皇王皇王改趙昌井水竭構
五梁罌西小衰因囂喪嗚呼嗚呼赤牛奮鞞其
盡乎

晉書載記慕容超時公孫五樓爲侍中尚書專
總朝政王公內外無不憚之尚書都令史王儼
諂事五樓遷尚書郎出爲濟南太守入爲尚書
左丞時人爲之語曰欲得疾事五樓

南史有惠嚴惠議道人並住東安寺學行精整
爲道俗所推時闔場寺多禪師都下爲之語曰

言詩 卷四 三十一
鬪場禪師窟東安譚議林

晉書涼後主歆字士業嗣父盛爲涼公領涼州
牧護羌校尉士業立而宋受禪聞沮渠蒙遜南
伐秃髮耨檀士業率步騎三萬攻張液與蒙遜
距戰爲蒙遜所害先是有燉煌父老令狐熾夢
白頭公衣帽而謂熾曰南風動吹長木胡桐椎
不中轂言訖忽不見士業小字桐椎至是而
晉書祁嘉字孔賓酒泉人少清貧好學年二十
餘夜窻中有聲呼曰祁孔賓祁孔賓隱去來隱

去來修飾人世甚苦不可諧所得未毛銖所喪
如山崖旦而逃去西至燉煌依學官誦書遂博
通經傳精究大義西遊海渚教授門生張重華
徵爲儒林祭酒在朝卿士郡縣守令受業者三
千餘人竟以壽終

異苑句章吳平州門前忽生一株青桐樹上有
歌聲平惡而斫殺平隨軍北虜首尾三載久桐
歛自還立于故根上聞聲樹巔空中歌曰久樹
今更青吳平尋當歸適聞殺此樹已復有光輝

平尋歸如鬼謠

晉書張駿寔之子嗣涼州牧西平公駿之立也
姑臧謠曰鴻從南來雀不驚誰謂孤雛尾翅生
高舉六翮鳳凰鳴至是收復河南之地

晉書慕容熙爲政暴虐其將馮跋張興皆坐事
奔亡結盟推慕容雲爲主因熙出城閉門距守
熙夜至龍城攻北門不尅爲雲所執弒之時義
熙二年也初童謠曰一束藁兩頭然秃頭小兒
來滅燕藁字上有草下有禾兩頭然則禾草俱
盡而成高字雲父名拔小字秃頭三子而雲季
也熙竟爲雲所滅

樂府廣題晉汲桑清河貝丘人力能扛鼎殘惡
少恩六月盛暑重裘累茵使十餘人扇之忽不
清凉便斬扇者并州大姓田蘭薄盛斬于平原
士女慶賀奔走道路而歌之曰奴爲將軍何可
羞六月重茵披狐一作豹裘不識寒暑斷人頭雄

兒田蘭爲報讐中夜斬首謝并州

趙書同

趙書劉曜討陳安于隴城安死乃謠曰隴城健

言言 卷三 三十七
兒曰陳安體幹雖小腹中寬愛養將士同心肝

謠語卷四

明豫章郭子章彙編

明西蜀顧造訂校

劉宋謠

宋文帝元嘉中謠言錢唐當出天子乃於錢唐置戍軍以防之其後孝武帝卽大位於新亭寺之禪堂禪與錢音相近也

南史宋元嘉二十七年魏太武帝圍汝南戍過淮自廣陵返攻盱眙就減質求酒質封洩便與

之且報書云不聞童謠言耶虜馬飲江水佛狸
歿卯年冥期使然非復人事爾智識及衆豈能
勝苻堅耶頃年展爾陸梁者是爾未飲江太歲
未卯耳時魏地有童謠輶車北來如穿雉不意
虜馬飲江水虜主北歸石濟死虜欲渡江天不
徒故質引之云

南史宋大明中奚顯度者爲員外散騎侍郎苛
虐無道考囚或用方材壓額及蹠脛故民間有
此謠寧得建康壓額不能受奚度拍

南史宋時用人乖實有謠云上車不落爲著作
體中何如作秘書

述異記嘉興縣朱休之有一弟宋元嘉中兄弟
對坐家有一犬來向休之蹲遍視二人遂搖頭
而笑曰言我不能歌聽我歌梅花今年故復可
奈汝明年何其家驚懼斬犬榜首路側至來歲
梅花時兄弟相鬪弟奮戟傷兄官收治並被囚
繫經歲得免至夏舉家時疾母及兄弟皆歿
前廢帝永光初又謠言湘州出天子幼主欲南

幸湘川以厭之既而湘東王卽尊位是爲明帝

宋泰始中童謠東城出天子故明帝殺建安王

休仁蘇侃云後順帝自東城卽位論者謂應之

乃是武進縣上所居東城里也熊襄云上舊鄉

有大道相傳云秦始皇所經呼爲天子路後遂

爲帝鄉焉按順帝實當援立猶如晉之懷愍亦

有徵符齊運旣無巡幸路名或是秦舊疑不能

詳

南史齊高帝輔政袁粲劉彥節王蘊等皆不同

而沈攸之又稱兵反粲蘊雖敗攸之尚存卞彬

意猶以高帝事無所成乃謂帝曰比聞謠曰可

憐可念尸著服孝子不在日代哭列管暫鳴歿

滅族公頗聞不時蘊居父憂與粲同歿故云尸

著服也服者衣也孝子不在日代哭者褚字也

彬謂沈攸之得志褚彥回當敗故言哭也列管

謂簫也高帝不悅及彬退曰彬自作此

宋中書監袁粲謀誅蕭道成褚淵發其謀粲不

克而死百姓哀之爲之謠曰可憐石頭城寧爲

論語 卷四
袁粲死不作褚淵生

元徽中童謠襄陽白銅鞮郎殺荊州兒後沈攸之反雍州刺史張敬兒襲江陵殺沈攸之子元琰等

南史宋德既衰齊高帝輔政朝野之人情懷彼此吏部尚書王延之尚書令王僧虔中立無所去就時人語曰二王居平不送不迎

南史宗越爲將性嚴酷好刑誅時王玄謨劾下亦少恩將士爲之語曰寧作五年徒不逐王玄

謨玄謨猶尚可宗越更殺我

齊謠

永明元年元日有小人發白虎樽既醉與筆札不知所道直云憶高帝敕原其罪

永明初百姓歌曰白馬向城啼欲得邊城草後句間云陶郎來白者金色馬者兵事三年妖賊唐寓之起言唐來勞也

永明中虜中童謠云黑水流北赤火入齊尋而京師人家忽生火赤于常火熱小微貴賤爭取

素粲歿不作褚淵生

元徽中童謠襄陽白銅鞮郎殺荊州兒後沈攸之反雍州刺史張敬兒襲江陵殺沈攸之子元琰等

南史宋德既衰齊高帝輔政朝野之人情懷彼此吏部尚書王延之尚書令王僧虔中立無所去就時人語曰二王居平不送不迎

南史宗越為將性嚴酷好刑誅時王玄謨細下亦少恩將士為之語曰寧作五年徒不逐王玄

謨玄謨猶尚可宗越更殺我

齊謠

永明元年元日有小人發白虎樽既醉與筆札不知所道直云憶高帝敕原其罪

永明初百姓歌曰白馬向城啼欲得邊城草後句間云陶郎來白者金色馬者兵事三年妖賊唐寓之起言唐來勞也

永明中虜中童謠云黑水流北赤火入齊尋而京師人家忽生火赤于常火熱小微貴賤爭取

以治病法以此火炙桃板七炷七日皆差敕禁之不能斷京師有病瘦者以火炙數日而差隣人笑曰病偶自差豈火能爲此人便覺頤間痒明日瘦還如故後梁以火德興

齊宋以來民間語曰擾攘建武上明帝初誅害蕃戚京師危駭

永元元年童謠曰洋洋千里流流髮東城頭烏馬烏皮袴三更相告訴脚踏不得起誤殺老姥子千里流者江祐也東城遙光也遙光夜舉事垣歷生者烏皮袴褶狂奔之跛脚亦遙光老姥子孝字之象徐孝嗣也

永元中童謠野豬雖嗥嗥馬子空閭渠不知龍與虎飲食江南墟七九六十三廣漠人無餘烏集傳舍頭今汝得寬休但看三八後摧折景陽樓識者解云陳顯達屬豬崔慧景屬馬非也東昏侯屬豬馬子未詳梁王屬龍蕭穎胄屬虎崔慧景攻臺傾廣漠門死時年六十三烏集傳舍卽所謂瞻烏爰止于誰之屋三八二十四起建

元元年至中興二年二十四年也摧折景陽樓亦高臺傾之意也言天下將去乃得休息齊宋之際民間語云和起言以和顏而爲變起也後和帝立

金陵志齊東昏侯卽臺城闕武堂爲芳樂苑山石皆塗以彩色跨池水立紫閣諸樓觀又于苑中立店肆以潘妃爲市令又作土山開渠立埭下苑中時百姓歌云閱武堂種楊柳至尊屠肉潘妃沾酒

齊廢帝隆昌中童謠楊婆兒共戲來時有女巫子楊旻隨母入宮爲何后所寵

齊東昏時都下謠欲求貴職依刀敕須得富豪事捉刀齊東昏時宮中謠趙鬼食鴨劓諸鬼盡著調東昏時左右應敕捉刀之徒並專國命謂之刀敕權奪人主梁武平齊皆誅之初左右刀敕之徒悉號曰鬼俗以細剉肉糝以姜桂曰劓意者以凶徒當細剉烹之也

南史桓康蘭陵人也隨武帝起兵摧堅陷陣膂

力絕人江南人畏之高帝鎮東府除武陵王中
兵寧朔將軍常侍衛左右帝誅黃回回使康數
回罪然後殺之時人語曰欲併張問桓康

南史長沙威王晃高帝四子也少有武力昇明
中為淮南宣城二郡太守晃便弓馬初沈攸之
事起晃多從武容赫奕都街時人為之語曰煥
煥蕭四繖

南史永明末都下人士盛為文章談義皆奏竟
陵西邸劉繪為後進領袖時張融言辭辯捷周

顛彌為清綺而繪音采不贍麗雅有風則時人
為之語曰三人共宅夾清漳張南周北劉中英

言繪處二
人間也

梁謠

梁武帝在雍鎮童謠襄陽白銅蹄反縛揚州兒
白銅蹄謂金蹄為馬也白金色也及義師之興
實以鐵騎揚州之士皆面縛如謠云

南史梁武帝天監元年立長子統為皇太子時
民間有謠鹿子開城門鹿子開當開復未

開使我心徘徊城中諸少年逐歡歸去來按鹿
子開者反爲來子哭也後太子果薨是時長子
歡爲徐州刺史以嫡孫次應嗣位而帝意在晉
安王猶豫未決及立晉安王爲皇太子而歡
封豫章郡王還任謠言心徘徊者未定也城中
諸少年逐歡歸去來者復還徐方之象也統卽
昭明太子也

梁世童謠王氣在三餘武帝聞之乃於餘干餘
姚餘杭爲厭勝後湖州餘干山餘髡溪餘魚浦
陳武帝興焉

梁史臨賀郡王正德性凶慝其後梁室傾覆旣
由正德百姓至臨賀郡名亦不欲道其惡之如
是故有童謠寧逢五虎入市不欲見臨賀

子

南史梁末有童謠可憐巴馬子一日行千里不
見馬上郎但有黃塵起黃塵汚人衣皂莢相料
理及王僧辨滅說者以爲僧辨本乘巴馬以擊
侯景馬上郎王字也塵謂陳也江東謂殺羊角
爲皂炭隋氏姓楊楊羊也言陳終滅於隋

言言 卷四
梁普通中童謠青絲白馬壽陽來後侯景果乘
白馬兵皆青衣所乘馬每戰將勝輒躑躅嘶鳴
意氣駿逸其奔衄必低頭不前

三國典畧侯景篡位令飾朱雀門其日有白頭
烏萬許集於門樓童謠曰白頭烏拂朱雀還與
吳杜工部詩長安城頭頭白烏夜上延秋門上
呼蓋用其事以侯景比祿山也白鳥一作鳥
又謠脫青袍着芒屨荊州天子挺應着

南史齊受禪張敬兒歷遷車騎將軍心自疑畏
誘說部曲自云貴不可言又使於鄉里爲謠言
使小兒輩歌天子在何處宅在赤谷口天子是
阿誰非猪如是狗武帝疑有異志誅之敬兒家
在冠軍里宅前地名赤谷

南史侯景旣誅傳首至江陵元帝命梟於市三
日然後煮而漆之以付武庫先是江陵謠言苦
竹町市南有好井荊州軍殺侯景景首旣至元
帝付李季長宅宅東卽苦竹町也旣加鼎鑊卽
用市南水焉

南史大通初武帝遣颯勇將軍陳慶之送魏北海王元顥還北魏主轉戰而前連破魏軍顥入洛陽宮御前殿改元大赦于時上黨王元天穆來攻慶之又大破之慶之麾下悉着白袍所向披靡先是洛陽人歌名軍大將莫自勞千兵萬馬被白袍至是果驗

南史齊遣柳達摩領兵侵梁陳霸先命侯安都敗之達摩謂衆曰頃在北童謠石頭搗兩襠搗青復搗黃侯景服青已倒于此今吾徒衣黃豈

謠言驗邪

南史梁陸襄爲鄱陽內史太同初郡人鮮于琮結同徒殺廣晉令王筠有衆萬餘人將出攻郡襄先已率人吏修城隍爲備及賊至破之生獲琮時隣郡守宰按其黨與皆不得實或有善人盡室罹禍唯襄郡枉直無濫民乃作歌鮮于抄後善惡分人無橫暴賴陸君又有彭李二家因忿爭相誣告襄引入內室不加責誚但和言解喻之二人感恩深自悔咎乃爲設酒食令其盡

歡酒罷同載而還因相親厚民因歌之曰陸君
政無怨家鬪旣罷讎共車

何妥十七以伎巧事梁湘東王後知其聰明召
爲誦書左右時蘭陵蕭脊亦有雋才住青楊巷
妥住白楊頭時人爲之語曰世有兩雋白楊何
妥青楊蕭脊其見美如此

梁丘仲孚遷山陰令居職甚有聲稱百姓謠曰
二傅沈劉不如一丘前世傅琰父子沈憲劉玄
明相繼宰山陰竝有政績言仲孚皆過之也

南史江革爲潯陽太守清嚴爲屬城所憚正直
自居不與典籤趙道智坐道智還都啓事誣奏
革墮事好酒以瑯琊王曇聰代爲行事南州士
庶爲之語曰故人不道智新人佞散騎莫知度
不度新人不如故

南史賀琛仕梁爲散騎常侍領尚書左丞參禮
儀事每進見武帝與語常移晷刻琛容止間雅
故時人呼之上殿不下有賀雅

南史沈鱗士隱居餘于吳差山講經教授從學

言言 卷四
士數十百人各營屋宇依止其側時人爲之語
曰差山中有賢士開門教授居成市

陳謠

陳初童謠曰御路種竹篠蕭蕭已復起合盤貯
蓬塊無復揚塵已

又日西夜烏飛拔劍倚梁柱歸去來歸山下

陳初有童謠黃斑青驄馬發自壽陽涘來時冬
氣未去日春風始其後陳主果爲韓擒虎所敗
擒虎本名擒獸黃斑之謂也破建康之始復乘

青驄馬往返時節皆相應

陳時江南盛歌王獻之桃葉之辭曰桃葉復桃
葉渡江不用楫但渡無所苦我自迎接汝晉王
伐陳之始置營桃葉山下及韓擒虎渡江大將
任蠻奴至新林以導北軍之應

陳後主造齊雲觀國人歌之曰齊雲觀寇來無
際畔功未畢爲隋師所虜

禎明初後主作新歌詞甚哀怨令後宮美人習
而歌之其詞曰玉樹後庭花花開不復久此是

言詩
卷四
十三
歌讖不久之兆也

南史陳後主在東宮時有婦人突入唱曰畢國王有鳥一足集其殿庭以觜畫地成文獨足上高臺盛草變爲灰欲知我家處朱門當水開解者以爲獨足者蓋指後主獨行無衆盛草言荒穢隋承火運草得火而灰及至京師與家屬館于都水臺所謂上高臺當水也其言皆驗

陳書張種少恬靜居處雅正不妄交遊傍無造請時人爲之語曰宋稱敷演梁則卷充清處學

尚種有其風

唐書賀德仁越州山陰人在陳與兄德基師事周弘正以文辭稱人爲語曰學行可師賀德基文質彬彬賀德仁

元魏謠

魏降人王足求堰淮水引北方童謠荆山爲上格浮山爲下格潼沱爲激溝併灌鉅野澤于是起浮山堰役二十萬人死者相枕蠅蟲晝夜聲合堰成無幾時淮水暴漲堰壞奔流于海殺數

十萬人其聲若雷聞三百里水中怪物隨流而下或人頭魚身或龍形馬首殊類詭狀不可勝名先是鎮星守天江而堰實興退舍而決豈人事乎抑天道也

元魏河東謠秦州地東杼軸代春元公至止田疇始理

北史後魏李孝伯父曾道武時爲趙郡太守令行禁止并州丁零數爲山東害知曾能得百姓歿力不敢入境賊于常山界得一死鹿賊長謂

趙郡地也責之還令送鹿故處其見憚如此郡人爲之謠詐作趙郡鹿猶勝常山粟

北史魏本紀宣武孝明間謠狐非貉貉非貉焦梨狗子齧斷索識者以爲索謂魏本索髮焦梨狗子指宇文泰俗謂之黑獺也

後魏書濟南王元彧與從兄安豐王延明中山王熙齊名時人爲之語曰三王楚楚盡琳瑯未若濟南備員方

魏略賈洪字叔業好學有才特精於春秋左傳

詩言 卷四 十四
與馮翊敬危才學最高故衆人爲之語曰州中
曄曄賈叔業辯論洵洵敬文通

魏志 邢顥太祖時爲冀州從事時人稱之德行
堂堂邢子昂

高齊謠

神武始移都於鄴有童謠云可憐青雀子飛入
鄴城裏作窠猶未成舉頭失鄉里寄書與婦母
好看新婦子魏孝靜帝者清河王之子也后則
神武之女鄴都宮室未備卽逢禪代作窠未成

之效也孝靜尋崩文宣以后爲太原長公主降
于楊愔時婁后尚在故言寄書於婦母新婦子
斥后也一云可憐青雀子飛來鄴城裏羽翮垂
欲成化作鸚鵡子鸚鵡神武也

北史 尔朱彦伯節閔帝時封博陵郡王位侍中
及張勸等掩襲尔朱世隆神武執彦伯與世隆
同斬于閭闔門外懸首于斛斯椿門樹先是洛
中謠曰三月末四月初揚灰簸土覓真珠又曰
頭去項脚根齊驅上樹不須梯至是並驗

北史永熙二年竇泰破尔朱榮神武入洛尔朱仲部下都督張子期自滑臺歸命神武斬之斛斯椿由是不安乃與南陽王寶炬等構神武于魏帝故魏帝心貳於賀拔岳初孝明之時洛下以兩拔相擊謠言銅拔打鐵拔元家世將末好事者以二拔謂拓拔賀拔言俱將衰之兆

玉璧童謠穉穉頭團團河中狗子破爾苑穉穉指

高歡狗子指宇文泰也團團一作團團

樂府廣題北齊神武攻周玉壁士卒死者十四

五神武恚憤疾發周王下令曰高歡鼠子親犯玉壁劔弩一發元凶自斃神武聞之勉坐以安

士衆悉引諸貴使斛律金唱敕勒歌敕勒川陰山下天似穹廬籠蓋四野天蒼蒼野茫茫風吹

草低見牛羊神武自和之其歌本鮮卑語易爲齊言故其句長短不齊穉苑厄言天似穹廬蓋四野無籠字

北齊武定中有童謠云百尺高竿摧折水底然燈澄滅高者齊姓也澄文襄名五年神武崩摧折之應七年文襄遇盜所害滅燈之徵也

高神武妻太后凡孕六男二女皆感夢孕文襄則夢一斷龍孕文宣則夢大龍首尾屬天地張口動目勢狀驚人孕孝昭則夢蠕龍于地孕武成則夢龍浴于海孕魏二后竝夢月入懷孕襄城博陵二王夢鼠入衣下后未崩有童謠曰九龍毋死不作孝及后崩武成不改服緋袍如故未幾登三臺置酒作樂帝女進白袍帝怒投諸臺下和士開請止樂帝大怒撻之帝于昆季次實九蓋其徵驗也

初魏世謠云河南種穀河北生白楊樹頭金雞鳴祖埏以說曰河南河北河間也金雞鳴孝琬將建金雞而大赦文宣頗惑之時孝琬得佛牙置于第內夜有神光照室玄都法順請以奏聞不從帝聞使搜之得鎮庫稍幡數百文宣以爲反而殺之

孝琬高澄第三子也

北齊文宣時謠云馬子入石室三千六百日齊本紀曰帝以午年生故曰馬子三臺石季龍舊居故曰石室三千六百日十年也文宣在位十

年果如謠言

北齊大寧二年春武明太后久病徐之才弟之
範爲尚藥典御勅令診候內史皆令呼太后爲
石婆蓋有俗忌故改名以厭制之之範出告之
才曰童謠云周里跂求伽豹祠嫁石婆斬塚作
媒人唯得一量紫縵靴今太后忽改名私所致
怪之才曰跂求伽胡言去已豹祠嫁石婆豈有
好事斬塚作媒人但令合葬自斬塚唯得紫縵
靴者得至四月何者紫之爲字此下系縵者熟

當在四月之中之範問靴是何義之才曰靴者
革旁化寧是久物至四月一日后果崩

皇太后臨楊愔喪哭曰楊郎忠而獲罪以御金
爲一眼親內之曰以表我意常山王亦悔殺之
先是童謠曰白羊頭鬣禿殺癡頭生角又曰羊
羊喫野草不喫野草遠我道不遠打爾腦又曰
阿廢姑禍也道人姑夫歿也羊爲愔也角文爲
用刀道人謂廢帝小名愔尚太原公主公主嘗
作尼故曰阿廢姑愔子獻天和皆尚帝姑故曰

道人姑夫云

北史初齊孝昭之誅楊愔也謂武成云事成以汝爲皇太弟及踐位乃使武成在鄴主兵立子百年爲皇太子武成不平欲有異謀先是童謡曰中興寺內白鳧翁四方側聽聲雍雍道人聞之夜打鐘時丞相府在城城中卽舊中興寺也鳧翁謂雄雞蓋指武成小字步落稽也道人濟南王小名也打鐘言將被擊也後武成用卜者言不舉兵孝昭尋崩武成卽位

有陽子術語人曰謡言盧十六稚十四犍子拍頭三十二且四八天之大數太上之祚恐不過此旣而武成崩年三十二也

樂府廣題北齊後主高緯雅好傀儡謂之郭公時人戲爲郭公歌曰邯鄲郭公九十九技倆漸盡入滕口大兒緣高岡雉子東南走不信吾言時但看歲在酉及將敗果邯鄲高郭聲相近九十九末數也滕口鄧林也大兒謂周帝太祖子也高岡後主姓也雉雞類武成小字也後敗於

鄧林盡如歌言蓋語妖也

武平元年童謠曰狐截尾你欲除我我除你其
年四月隴東王胡長仁謀遣刺客殺和士開事
露返爲士開譖死

武平二年童謠曰和士開七月三十日將你向
南臺小兒唱訖一時拍手云殺却至七月二十
五日御史中丞瑯琊王儼執士開送於南臺而
斬之是歲又有童謠曰七月刈禾傷早九月喫
齋正好十月洗蕩飯爨十一月出却趙老七月

士開被誅九月瑯琊王遇害十一月趙彥深出
爲兗州刺史

祖珽省事褚士達夢人倚戶授其詩曰九升八
合粟角斗定非真堰却津中水將留何處人以
告珽珽占之曰角斗斛字津却水何留人合成
律字非真者解斛律于我不實士達又言所夢
狀乃其父形也珽由是懼竟傾斛律光而殺

北齊童謠曰百升飛上天明月照長安後周韋
孝寬密爲此謠令人傳于鄴中小兒歌之祖珽

因續之曰高山不摧自崩
斲木不扶自舉
 盲老公背受大斧饒舌老母不得語
 帝以問瑛瑛曰百升斛也
 明月光字也高山齊高姓也
 盲老公瑛也瑛失明也
 饒舌老母女侍中陸令萱也
 帝信之執斛律光殺之

北史亦載此謠云高山崩斲樹舉盲老公背上下大

斧多事老母不得語

北史後魏咸陽王禧謀逆伏誅後宮人為之歌
 可憐咸陽王奈何作事誤金牀玉几不能眠夜
 起踏霜露洛水湛湛彌听長行人那得度其歌

遂流于江表

武平末童謠曰黃花勢欲落清樽但滿酌時穆
 后母子淫僻干預朝政時人患之穆后小字黃
 花尋逢齊亡欲落之應也

鄴中又有童謠云金作掃帚玉作把淨掃殿屋
 迎西家未幾周師入鄴

玉浪歌江差分玉浪管炬開金鎖五口相共行
 九十無彼我蓋佛讖也

北齊太上時童謠千金買藥園中有芙蓉樹破

家不分明蓮子隨它去

北齊宋世良除清河太守郡東南有曲隄成公一姓阻而居之羣盜多萃於此人爲之語曰寧度東吳會稽不歷成公曲隄世良施八條之制盜奔他境民又謠曰曲隄雖險賊何益但有宋公自屏跡

宋世軌齊天保中遷廷尉時大理正蘇珍之亦以平幹知名寺中爲之語曰決定嫌疑蘇珍之視表見裏宋世軌時人以爲寺中二絕

北史河中裴讓之遷主客郎省中語曰能賦詩裴讓之陽休之好學愛文藻時人爲之語曰能賦詩陽休之

北史裴俠大統中爲河北郡守躬履儉素愛民如子郡舊有漁獵夫三十人以供郡守俠曰以口腹役人吾所不爲也悉罷之又有丁三十人供郡守役俠亦不私並收庸爲市官馬歲時旣積馬遂成羣去職之日一無所取歌之云肥鮮不食丁庸不取裴公貞惠爲世規矩

北史祖瑩與陳郡袁翻齊名秀出時人爲之語
曰京師楚楚袁與祖洛陽翩翩祖與袁

周謠

宇文周初有童謠曰白楊樹頭金雞鳴祗有阿
舅無外甥靜帝隋氏之甥旣遜位而崩諸舅彊
盛

周宣帝與宮人夜中連臂蹋蹠而歌曰自知身
命促把燭夜行遊帝卽位二年而崩

周武帝時有彊練者佯狂持一瓠至晉公護門

而擊破之曰身尚可子苦矣時護專政因朝太
后帝擊殺之發兵捕其諸子皆被楚毒而死彊
練又行乞于市人或遺之粟麥輒以無底袋受
之因大笑曰盛空未幾周滅高祖移都長安城
爲墟矣

隋書于仲文字次武北周時爲遷安太守州刺
史屈突尚宇文護之黨也先坐事下獄無敢繩
者仲文至郡窮治遂竟其獄蜀中爲之語曰明
斷無雙有于公不避強禦有次武

隋謠

北史漢王諒反為楊素所敗幽歿先是童謠曰
 一張紙兩張紙客量小兒作天子時偽署官告
 身皆一紙別授則二紙諒聞謠喜曰我幼字阿
 客量與諒同音吾于皇家最小以為應之

大業中童謠曰桃李子鴻鵠遶陽山宛轉花林
 裏莫浪語誰道許其後李密坐楊玄感之逆為
 吏所拘在路逃叛潛結羣盜自陽城山而來襲
 破洛口倉後復屯兵苑內莫浪語密也宇文化

及自號許國尋亦破滅誰道許者蓋驚疑之辭
 也

隋人歌曰楊柳青青著地垂楊花漫漫攪天飛
 柳條折盡花飛盡借問行人歸不歸

崔瓊東虛記云此詩

作于大業末年實指煬帝巡遊無度縉紳瘁悅已甚下逮閭閻而佞人曲士播弄威福欺君上以取榮貴上二句盡之又謂民則窮窘至是方有五子之歌之憂而望其返國也

隋大業中長白山謠曰長白山前知世郎純著
 紅羅錦被襠長稍侵天半輪刀耀日光上山喫
 獐鹿下山喫牛羊忽聞官軍至提刀向前盪譬

詩詩
卷四
三四
如遼東死斬頭何所傷

大業十一年煬帝自京師如東都至孝樂宮飲酒大醉因賦五言詩其卒章曰徒有歸飛心無復因風力令美人再三吟咏帝泣下沾襟侍御者莫不欷歔帝因幸江都復作五言詩曰求歸不得去真成遭個春鳥聲爭勸酒梅花笑殺人帝以三月被弑卽遭春之應也是年盜賊蠡起道路隔絕帝懼遂無還心帝復夢二豎子歌曰佳亦死去亦死未若乘船渡江水由是築室丹

陽將居焉功未就而帝被弑

北史來整榮國公護之子也尤驍勇討擊所向皆捷諸賊歌之曰長白山頭百戰場十五五把長鎗不畏官軍千萬衆只怕榮公第六郎

隋書豆盧勣爲渭州刺史烏鼠山絕壁千尋由來乏水勣馬足所踐飛泉湧出有白鳥翔止廳前乳子而後去民乃謠云我有丹陽山出玉漿濟我人夷神鳥來翔

樊叔略陳畱人以功進封清鄉縣公隋文帝時

遷相州刺史政爲當時第一上降璽書褒美之
賜物三百段粟五百石頒示天下百姓爲之語
曰智無窮清鄉公上下正樊安定徵拜司農卿
吏人莫不流涕

庠狄士文隋高祖受禪拜貝州刺史法令嚴肅
吏人股戰有京兆韋焜爲貝州司馬河東趙達
爲清河令二人並苛刻唯長史有惠政時人爲
之語曰刺史羅刹政司馬蝮蛇瞋長史含笑判
清河生喫人上聞而嘆曰一父之暴過於猛獸

竟坐免

桂苑叢談崔弘度隋文帝時爲太僕卿嘗戒左
右曰無得誑我後因食鼈問侍者曰美乎曰美
弘度曰汝不食安知其美皆杖之長安爲之語
曰寧飲三斗醋不見崔弘度寧茹三斗艾不逢
屈突蓋蓋同時虐吏也

隋書武城崔儵與頓丘李若俱見稱重時人爲
之語曰京師灼灼崔儵李若

謠語卷四 畢

詩經

卷四

三



